

TUSAGASSIUUTINUT NALUNAARUT

Nuuk 18. december 2008

IA-p meeqqerivinnut akiliuteqarnermut tunngavilersuutai imaqangillat

SIUMUT NUUK ersarilluinnartumik meeqqeriviit akiisa allangortinneqarnissaat kissaatigaat, pissutigalugu:

- Nunatsinni kommunini allanguineq anginerpaaq aallartilermat
- Ullutsinnut meeqqerivinnut akit naleqqukkunnaarsimmata
- Akilersueriaatsit ersernerloqsut paasiuminaalluinnartullu allangortinnissaat anguniarlugit
- Akiliutaasartut nunanit allaniit qaffasinnerujussuuneri pissutigalugit – allangortikkusullugilli
- Akit nunatsinni assigiiaarnerusut anginerpaaffeqartullu anguniarlugit
- Ilaqutariit suli nukittunerusut akissaatigullu ineriartorluarnissaat anguniarlugu

Inuit Ataatigiit Nuummi siulittaasuata tunngavilersuutigaa Siumut ukiut 20-it ingerlatsereersimalluni allangortitsinissamut sooq iluuseqarsimangitsoq! Iliuuseqarniarpugut! Iliuuseqarlutalu. 1. januar 2009 kommunerujussuannangornissaq oqaluttuarisaanermi allanguinissaq iluatsillugu aammalu kommuneqatitta assigiimmik ingerlanneqarnissaa anguniarlugu kiisalu akileraartartut meeqqerivinnut akiliutaasa assigiissitaalernissaat piumasarlugu noqqaassutigisimavarput. Inuit Ataatigiit tamanna annertunersumik iluuseqarfigiumangikkaat.

Ukiorpasuit Inuit Ataatigiit aqutsisooqatigisimavagut, nammineerlutik qanoq meeqqerivinnut siunnersuuteqarnikuuppat, qanorlu anguniagaqarpat? Suli qaffakkaluttuinnarnissaanik siunnertaqarpat?

Kommuneqatissatta ilaat (Qeqqata Kommunian) apparsaasut torrallaqaqsullu maluginiarpavut, kommuunittalu iluani ilaat appaaffigineqartut, maanilu Nuummi qaffaalluta. Ataatigiittoqanngilaq!

Budget 2009 akuerineqarmat aap akuerseqataavugut – akuersinitsinnullu tunngavilersuutit ilagaat piunasaqaatigaluguli – meeqqerivinnut akiliutaasartut apparneqarnissaat misissuisoqarnissaa aallartinneqassasoq. Inuit Ataatigiillu oqaseqartartuata tamanna 28. november 2008 akueraa, qaammatillu marluk ingerlaneranni neriorsuutigalugu angusaminnik saqqummiussinissartik. Naatsorsuisinnaanerpuullu malillugu 28. januar saqqummiunneqassaaq!

Partiuvugut ilaqutariit peqqissut qitiutillugit akisussaaffigalugillu ingerlatsisoq – aammalu allanguinissamut piffissanngorusutitsigaangatta isummersartoq aaliangiisartorlu.

Naluarpuullu uani Inuit Ataatigiit kommunerujussuannortoqalernara iluamik paasisimaneraat – malunnarpoq oqaluttuarisaanitsinni allanguinerit anginersaat piareersimaffiginagu eqeersimaarfiginaguli iserfigileraat atuuttuusimasut pisoqqat nammallugit.

Allanguineq angisooq ilaqutariinnut meeralinnut Kommuneqarfik Sermersuumi ajorsarfiulerpoq!

Kim Godtfredsen
SIULITTAASOQ – SIUMUT NUUK – mobil 48 52 33